

№ 65

30 августэ

1940 аре

# КИРОВЕЦ

ВКП(б)-лэн  
Тыловой Райко-  
мезлэн но трудя-  
щойёслэн депу-  
тат'ёссылэн  
Тыловой Районной Совет-  
сылэн органзы

6-тй арзэ потэ  
дуныз 5 коп.

## XXVI Международной юношеской нунал

Вань странаосысь трудящойёс, егит калык, кызь куатетй арзэ ортчыто ини Международной юношеской нуналез.

Та нунал международной пролетарской солидарность нунален, империалистической войналы пумит, мир, эрик но экономической правоос понна нюр'яськон нунален луэмын.

Кызь куатетиез Международной юношеской нунал туж секыт международной обстановка дыр'я ортче. Дунне империалистической войнален тылныз басьтэ-тэмын. Миллион'ёсын ляд'ямон трудовой калык солдатской шинельёсын дысямын, гурт'ёссылэсь, семьяоссылэсь люкемын но жугиськон бусыосы куштэмын.

Кыкетй империалистической война капиталистической мирсысь трудящой егит'ёслы секыт эксплуатация но зйбон ваиз, со егит пиосты во ныл'ёсты ужтэк, сютэм, курадзыса но азыланьын пеймыт улон сюрёс вылэ донге. Тйни малы трудящойся егит'ёс пушкын асьсэлэн экономической правооссы понна нюр'яськон кужмоя, стачкаослэн лыдзы пумен будэ. Тйни малы капиталистической странаосысь егит'ёс война яратйсь империалист'ёслы пумен пумит карисько но империалистической войнаослы пумит активной нюр'яськон нуо. Трудящойся егит'ёс, вань рабочий классэн чош султуса, капиталистической реакции пумит жутско.

Капиталист'ёслэн котькыче пыкет'ёссы но зйбет'ёссы шоры учкытэк, капиталистической странаосысь егит'ёс асьсэлэсь международной нуналез



организованно но огазеяськыса ортчытозы.

Война луэмен капиталистической мирын уноез калык'ёс независимостьсэ но эриксэс ыштйзы. Нош асьмелэн Советской Союзын, Сталинской Конституцилэн основаез'я, ог'я уж азинлыко мынэмен, калык'ёслэн тупаса улонзы будэ но юнма, асьме странаысь республикаос будо но юнмало.

Ортчем ар'ёс кустын сталинской национальной политика выль данлыко вормон'ёс басьтйз, соос международной, исторической значениос луо.

Западной Украинаысь но, Западной Белоруссияысь Бессарабияысь но Северной Буковинаысь калык'ёсты Красной Армилен мозытонэз, Карельской переше екын советской оружилэн

могучой кужыменыз белофин'ёсты пазян но Ленинградлы безопасность кылдытон, Союзной Карело-Финской Республика кылдытон—ваньмыз та ватсаськиз мирно улон сталинской политикалэн выль данлыко вормонэныз: Советской калыклэн огмылкыдо семьяыз пыризы куинь выль союзной республикаос.

СССР-лэн калык'ёсыз выль советской республикаосты шумпотыса пыртйзы асьсэлэн семьяязы. СССР-лэн Верховной Советэз Латвияысь, Литваысь но Эстонияысь калык'ёслэсь соосты Советской Социалистической Республикаослэн Союязы пыртон сярсысь куронзэс удовлетворить кариз.

Латвийской ССР-ысь, Литовской ССР-ысь но Эстонской ССР-ысь егит'ёс, Бессарабияысь, Северной Буко-

винаысь, Западной Украинаысь но Западной Белоруссияысь егит'ёс кадь ик, та арын нырысьсэ Международной юношеской нуналез вань советской егит'ёсын чош орчыто. Одыг кадесьёс пöлын одыг кадь луыса та егит'ёс демонстрант'ёслэн радазы советской город'ёслэн но гурт'ёслэн ульчаосазы пото эрико, шудо советской егит'ёсын чош.

XXVI Международной юношеской нуналез праздновать карыса, СССР-ысь егит'ёс возмано страна-лэсь кужымзэ но обороназэ эшшо уно юматыны тыршемзэс, мировой пролетариатлэн ужезлы, коммунизмлэн ужезлы асьсэлэсь безграничной преданностьсэс, вождез но трудящойся калыкез мозмытйсез—великой Сталинэз асьсэлэсь пумтэм-ылтэм яратэмзэс.

### Колхоз бусюсын

Уйвай сельсоветысь „Новая Школа“ колхозысь Перевозчикова Мария Семеновна культо керттылоньын умой ужа, 0,30 га выльсь кертгылыны норма, 0,66 га быдэс'я, культоен вераса 930 культо керттылэ. Мария Семеновна чукна сигнал сётэмез уг виты, лудэ мынэ кык часкын ик, жытазе бер бертэ.

Зюзя сельсоветысь „Борец“ колхозысь Ложкина Д. Д. но Кузьмина Анастасия П. культо керттылоньын 400 культо нормая, керттыло быдэн 600 культо. Кын араньын Ложкин П. С. 0,16 га нормая 0,20 га ара, Ложкина М. К.—0,21 га.

И. ЛОЖКИН.

## Октон- калтонзэс успешно быдэстйзы

Октон- калтонэз вакчи дыр куспын но ноқыче ыштон'ёстэк быдэстыны понна, „Эрик“ колхозын бригадоос куспын заключить каремын вал социалистической договор'ёс. План'я октон-калтон быдэстэмын луыны кулэ вал 15 нунал куспын, озимойёсты кизён 6 нунал куспын.

Ужлэсь итог'ёссэ про- верить карыса правленилэн совещанияз бригадир'ёслэсь отчет куремын вал. Отчет'ёс возьматйзы:

Нырысетй бригадалэн бригадирез Никитин Яков Степанович сётйз обяза- тельство октон-калтонэз быдэстыны 27 августозь, обязательствозэ быдэстйз ужвылын. 2-ти бригадалэн бригадирез Будин Иван Федорович сётйз обяза- тельство октон-калтонэз быдэстыны 23 августозь, 23-тй августэ ик быдэстйз.

„Эрик“ колхоз государ- стволы нянь сётйны 391,5 центнер план'я, 24 августозь сётйз ни 180 центнер, мукет сямен вераса 46 процентсэ.

24 августозь ю кабан'ёсы люкамын но кутсамын 205 га вылысь, кылиз на люка-

ны но кутсаны 172,21 га вылысь.

Озимойёсты кизыны 140 га интые план'я, киземын 150 га 9 нунал куспын. Предусмотреть к а р е м план'я 5-6 нунал куспын быдэстэмын ёвёл соин, что трактор'ёсын киземын 16 га гинэ, нош договор'я кизыны кулэ вал 100 га.

Октон-калтон успешно ортчиз соин, что вёлмы- тэмын вал социалистичес- кой соревнование. Октон- калтонын Будин Ф. Е., А. С. Будина, К. В. Иваки- на, В. М. Васильева, Т. Ф. Никитина, А. Т. Шилова, М. П. Никитина, В. М. Ни- китина, П. С. Никитина, Е. Г. Никитина, А. В. Ни- китина, А. И. Васильева, М. Е. Никитина, Т. А. Ни- китина, А. С. Никитина нормаоссэс 125 процент- лэсь нчили ёз тырмыг'ялэ, октон-калтон кутскем ды- рысен нормаоссэс мултэсэн быдэс'язы.

**Колхозлэн председа- телез ВАСИЛЬЕВ.**  
**Счетовод НИКИТИН.**  
**Бригадир'ёс Никитин, Будин.**  
**Стенгазеталэн редак- торез Будин.**

## Военнообязаннойёслэсь переучетсэс организованно ортчытоно

Тыловой районын 15-тй августысен военнообязан- нойёслы переучет мынэ. Военнообязаннойёс п е р е у ч е т э Жут- скем мылкыдын лыкто. Тросэз асьсэлэсь дась лу- эмзэс возьматэ, если аг- рессор'ёс асьме Родиnamы вылэ жугиськыны уськыт- скизы ке, ми дасесь луомы отпор сётйны шуо.

Та переучетлэсь значе- низэ тросэз исполком'ёс- лэн но колхоз'ёслэн пред- седательёссы валаса ёз вуэ на. Ст. Кычевской но Верх. Четкерсой сельсовет'ёслэн исполком'ёссы организован- но лыктон интые куд-огез

переучетэ лыктйзы 7 час- кын жытазе, Райвоенко- матлэн ётем лыдэз'я кык- тэн ыстйзы, соин сэрэн переучетной пунктэз за- ромозить карызы.

Переучет дыр'я медицин- ской комиссия возьматэ, что тросэз военнообязан- нойёс висё трахомаен, осо- бенно В. Четкерской сель- советын.

Переучетной пунктн умой пунктэмын культурной но валэктон ужлэн обслу- живаниез. Лыктэм мурт'ёс- лы вис'ямын комната от- дыха, отын луэ басьтыны котькыче сётэм вопрос'ёслы ответ.

## ТАСС-лэн ивортонэз

Иностранной печатьын потйзы ивортон'ёс со сяр- ысь, что Советской прави- тельство та нунал'ёсы Тур- цилэсь согласисэ, пе, куриз Балканской полуостровлэн районаз война луон дыр'я

советской флотэз Дарданел- тй выжытон сярись.

ТАСС уполномочить каре- мын вераны, что та ивортон'ёс быдэсак вымышлен- ной луо.

## С У Д

### Заслугаез'я сётэмын

27 августэ „Борец“ кол- хозлэн председателезлы Ложкин Егор Григорьевич- лы сельхозартельлэсь ус- тавзэ но партилэсь но правительстволэсь поста- новлениоссэс нарушать каремез понна суд ортчиз.

Судын тодмо луиз, что нырысьсэ кутсамазы кутса- зы 772 килограмм но сое ваньзэ Ложкин распреде- лить кариз колхозник'ёслы снисья, нарушать карыса сельхозуслугез, нош госу- дарстволы сдать ёз кары одйг килограмм но. Кыке- тй кутсамазы кутсазы 1040 килограмм, сое но ваньзэ распределить кариз кол-

хозник'ёслы. Ваньзэ кол- хозник'ёслы ю-нянь рас- пределить кариз 1812 ки- лограмм, нош государство- лы 372 килограмм сьна ёз сётй. 21 августозь нянь распределить каремын 40 центнер, нош государство- лы сдать каремын 17 цент- нер гинэ.

Кутсаськоннысь ю-тысез складэ вортто мертатэк колхозной нянез расхи- щать карон целен.

Вань та уж'ёсыз понна Ложкин Егор Григорье- вич нарсудэн присудить каремын арен жыныенлы эриклэсь лишить карыны. **БАЙКАНОВ.**

### Арен жыныенлы присудить каремын

28 августэ Верх-Четкер- ской сельсоветысь „Крас- ный пахарь“ колхозлэн председателезлы Губин Александр Михайловичлы, аслаз служебной положе- ниеныз злоупотреблять каре- мез понна суд ортчиз. Судын тодмо луиз, что „Красный пахарь“ колхо- зын 6-тй августысен 10-ти августозь кутсазы жег 50 центнер, нош со жегез Губин государстволы ёз сдать кары одйг килограмм но, распе- делить кариз колхозник'ёс- лы но кизыны. Уполнар- комзаглэн государстволы нянь сётонэз жегатскытэк организовать карыны куре- мезлы, Губин отказаться ка-

риськиз, что со озимойёсты кизыса быдэстытэк госу- дарстволы нянь сётон пла- нэз быдэс'ян борды уз кут- ськы. Губин кизыы вераз, озьы ик лэсьтйз. Государ- стволы нянь ворттон графиче- кез тйяз.

Та кулэтэм, вредной дей- ствиосыз понна, нарсуд Гу- бин Александр Михайлови- чез арен жыныенлы эрик- лэсь лишить карыны при- судить кариз.

Вань колхоз'ёслэн пред- седательёссылы вылй ве- рам факт'ёсты лыдэ бась- тыса, государстволы нянь сётонэз кулэез'я пуктоно.

**БАЙКАНОВ.**

### Троцкий кулйз

Лондон, 22 августэ. (ТАСС). Лондонской радио туннэ тазы ивортйз: Мек- сикакысь больницаын ку- лйз Троцкий. Покушение дыр'я солэсь йыр кобызэ пилизы.

**Врид. редактора**  
**Ф. М. КАРДАПОЛЬЦЕВ.**  
**поттйсь Райсовет**

### ЯЛОН

Тыловой сельсоветын В. Шудзялуд колхозын 4 кузя парсьсэс пытсамын. Та парсьсэс татын 3 арня уло ни. Мумыез тодьыен сьодэн кучо, бурыз пельйылыз вандэмын, пи- осыз куинь кузя тодьыесь. Кинлэн ке ышемын парсьсэсыз В. Шудзялуд колхозлэн прав- ленияз обратиться карыське.

Ю-тысез октон-калтонлэн но государстволы сётон- лэн мынэмез сярись  
**28 августлы**  
**Сводка**  
**(процентэн вераса)**

| Сельсовет'ёс     | Октэ- мын-кал- тэмын | Государ- стволы сётэмын |
|------------------|----------------------|-------------------------|
| Тыловойской      | 90,4                 | 18                      |
| Шудзялудской     | 95,3                 | 19                      |
| Верх. Четкерской | 98,5                 | 15                      |
| Ст. Кычевской    | 84,4                 | 12                      |
| Уйвайской        | 78,3                 | 13                      |
| Оханской         | 82,5                 | 8                       |
| Суруновской      | 87                   | 10                      |
| Зюзинской        | 82,3                 | 10                      |
| Бородулинской    | 84,5                 | 7                       |
| Кельдышевской    | 90                   | 23                      |
| Итинской         | 87,5                 | 15                      |

Ваньмыз | 86,6 | 12